

§. 393.

Adversus Debitorem, qui fugam arripuerit, se occultaverit, Casum fortuitum non probaverit, inopiæ suæ gnarus aliquibus Creditoribus aut solutionem, aut cautionem præstiterit, novum æs alienum contraxerit, facultates suas, ac debita sincere non manifestaverit, vel denique dolo malo Creditores circumvenerit, ex officio, et pro circumstantiarum ratione etiam Criminali Judicio procedendum est.

§. 394.

Siquis se solvendo non esse Judici denunciaverit, Concurfus Creditorum, pro eo atque Capite IX. præscriptum est, exciterur.

CAPUT XXXIV.*De Restitutione in integrum.*

§. 395.

Restitutio in integrum competit læso in sequentibus duobus Casibus: a) Si terminus
Proc. Jud. Transilv. M per-

peremptorius citra ipsius culpam elapsus fuerit; b) Si Sententia adversus læsum prolata fuerit, is vero postea documenta gravioris momenti repererit, quæ antea ab ipso sciri, vel saltem inveniri non potuerint.

§. 396.

In primo Casu Restitutio in integrum intra dies 14 post lapsum termini peremptorii petenda, secus vero læsus postea amplius audiendus non est; in secundo vero Casu læsus facultatem habet Restitutionem in integrum petendi, quamdiu juri suo præscriptum non fuerit.

§. 397.

Qui jus habet indemnitatis præstationem adversus tertium petendi, eamque ab illo obtinere potest, ei nihilominus liberum esto Restitutionem in integrum postulare.

§. 398.

Restitutio in integrum apud Judicem petenda est, penes quem lis acta fuerit, vel for-

te adhuc pendebit; is vero auditis partibus, quemadmodum de alia quavis Causa privata cognoscito.

CAPUT XXXV.

De Feriis.

§. 399.

Dies a Judiciis vacui, seu feriatii sunt Dominici, festi de præcepto, Dies a festo Nativitatis Domini usque ad Epiphaniam, a Dominica Palmarum usque ad secundum Paschatis; tres Dies Rogationum; Dies a festo Corporis Christi usque ad Octavum, seu Diem Jovis subsequenter.

§. 400.

Dies feriatos pro Causis audiendis præstitui non licet; præterquam si Judici comperitur fiat, e dilatione uni vel alteri Parti damnum, vel periculum damni obventurum.